

PENDARIES (Guilhaume), notaire de Villemur, Villemur sur Tarn, minutes 1619-1620, Archives départementales de la Haute-Garonne, cote 3E 21768, f° CLXXXI (v°) & ss., PH/JCHR/6636.

+

Testament Esquier

Au nom de dieu soit sachent tous presens et advenir que ce jourd'huy **vingt septiesme** du moys d'**aoust** ^{^o} apres midy au **masage de sainte raffine** et au devant la maison du testateur bas nomme soubz le regne de n(ot)re souverain prince louys par la grace de dieu roy de france et de navarre constitué personnellement **pierre esquié dit de la vedelle laboureur** de lad(ite) metterie lequel dispozé de corps et d'esperit ainsi que m'a appareu et aux tesmoings bas nommes lequel **considerant l'estat de sa vielhese et le peu de jours qu'il a a vivre en ce monde**, de son plein gré non induit a ce f(air)e seduit ny suborné de personne de son propre mouvement a faict dit et ordonné son testament noncupatif en la forme suivante premierement a faict le venerable signe de la croix sur sa personne disant au nom du pere du filz et du saint esperit amen a recomandé son ame a dieu le pere tout puissant le priant q(u'i)l luy plaise la vouloir colloquer en son saint paradis par le merite de la mort de son filz unicque n(ot)re seigneur et redempteur jesus christ et par l'intercession de la glorieuse et vierge marie sa mere saintz et saintes de paradis et a voleu que son corps soit chrestienement ensepvely au cemitiere saint pierre de manhanac et()tumbleau de ses parens defunctz quand a ses honneurs funebres s'en remet a la discrection de ses hoirs bas nommes donne et legue led(it) esquié testateur par forme d'institu(tion) et hereditaire portion a **jeane resseguiere sa petite filhe habitante de castelnau destretes fons** oultre et par dessus le dot par luy constitué et païé a **feue jeanne esquiere filhe du testateur** lhors de **son contract de mariage avec anthoine resseguié pere a lad(ite) jeane** la somme de vingt livres t(ournoi)z une fois paiable par ses hoirs bas nommes scavoir dix livres le jo(u)r de ses nopces et les

clxxxij.

au(tr)es dix dans ung an apres avec cond(iti)on que venent a deceder sans enfens legitimes il veult q(ue) led(it) legat retourne et apartiene de plain droit a sesd(its) hoirs bas nommes et avec led(it) legat la faict son heritiere particuliere et veult que ne puisse rien plus demander sur ses biens et heredite item donne et legue led(it) testateur a **anthoinette gaye** et **bernarde serine** ses

belles filles et a ch(ac)une d'icelles la somme de trente livres t(ournoi)z po(u)^r et ce en [con]sidera(ti)on des bons services q(u'i)l en receus recoit et espere de recevoir a l advenir pour en disposer en faveur des]~~enfants~~[de leurs enfens et de **jean et pierre esquiers leurs maris** et non d au(tr)es et en tous et ch(ac)ungs ses au(tr)es biens et droitz voix noms et actions a faitz et institues ses hoirs universels et generals et les a nommes et surnommes sçavoir est les susd(its) jean et pierre esquiers fr(er)es ses filz legitimes et naturels par esgalles partz et portions a partir et diviser et ch(ac)ung f(air)e et disposer de sa portion a ses plaisirs et volontes a la vie et a la mort comme ung ch(ac)ung fait et dispose du sien en payant les charges hereditaires lesquelz **il a exhortes en quallité de pere de s'entre aymer et cherir en f(re)res ce faisant continuer leur affrairement sans bruit noize ny question tout autant q(ue) leur sera possible** ce dessus a dit vouloir estre son der(nie)^r et valable testament noncupatif et disp(osition) de sa der(nier)e olonte cassant revocquant toutes au(tr)es dispo(siti)ons q(u'i)l pourroit avoir sy devant faictes le p(résen)t demeurant a son entier lequel il veult]estre[valoir par droit de testament noncupatif et]~~dispo(siti)on de sa derniere~~[au(tr)ement en la melheure forme q(ue) de droit et mieulx pourra valoir si a pries et requis les tesmoings bas nommes par luy recognus de luy porter tesmoniage de verite et se souvenir de son present testament et a moy not(aire) luy en retenir instrument ce qu'ay

faict ez presences de guill(aume) sorbier / jean turrocque jean folquie laboureurs de manhanac jean brian natif de la villedieu a present demeurant au service dud(i)t turroque jean bieusse jean et pierre melines f(re)res habitans de vill(emu)r non signes ny led(it) testate(ur) qu'ont dit ne sçavoir et de moy not(aire) / # **mil six cens dix neuf**

Pendaries, not(aire)